

**Broj: UP1-06-13-1-83-5/21**  
**Mostar, 29.06.2021. godine**

Na osnovu člana 21., člana 37., člana 42., člana 84., člana 87. stav (1) i stav (2) i člana 93. Zakona o električnoj energiji u Federaciji Bosne i Hercegovine („Službene novine Federacije BiH“ broj 66/13, 94/15 i 54/19), člana 20. stav (2) Zakona o korištenju obnovljivih izvora energije i efikasne kogeneracije („Službene novine Federacije BiH“ broj 70/13 i 5/14), člana 20. stav (1) i člana 23. stav (1) Statuta Regulatorne komisije za energiju u Federaciji Bosne i Hercegovine („Službene novine Federacije BiH“ broj 24/14 i 91/15), člana 8. stav (1), člana 32. stav (4) i člana 42. stav (1) Poslovnika o radu Regulatorne komisije za energiju u Federaciji Bosne i Hercegovine („Službene novine Federacije BiH“ broj 29/14, 31/16 i 84/19), člana 78. Pravilnika o javnim raspravama i rješavanju zahtjeva, sporova i žalbi („Službene novine Federacije BiH“ broj 57/12, 71/14 i 31/16), članka 18., članka 40. stavak (1) točka c) i članka 43. stavak (1) Pravilnika za izdavanje dozvola („Službene novine Federacije BiH“ broj 2/17 i 39/20), člana 11. stav (3) i člana 13. stav (2) Pravilnika o sticanju statusa kvalifikovanog proizvođača električne energije („Službene novine Federacije BiH“ broj 53/14), člana 4. stav (2), člana 5., člana 6. stav (1), člana 8. i člana 9. stav (1) Pravilnika o metodologiji i načinu obračuna regulatornih naknada za imaoce dozvola - Prečišćeni tekst („Službene novine Federacije BiH“ broj 94/19) postupajući po Zahtjevu za izmjenu i dopunu dozvole za rad broj UP1-06-13-1-83-1/21 od 13.04.2021. godine podnosioca zahtjeva GP TOMING d.o.o. Grude, Drinovci b.b., Grude, zastupanog po zakonskom zastupniku Ani Radić, u postupku izmjene i dopune Dozvole za rad za proizvodnju električne energije broj 06-03-712/51/17, Regulatorna komisija za energiju u Federaciji Bosne i Hercegovine – FERK je 29.06.2021. godine na XIV redovnoj sjednici donijela sljedeće

## RJEŠENJE

1. Dozvola za rad za proizvodnju električne energije broj UP1-06-13-1-6/20 izdana Rješenjem broj 06-03-712-07/51/17 od 07.11.2017. godine, te izmjenjena i dopunjena Rješenjem broj 06-03-819-11/62/18 od 10.12.2018. godine, Rješenjem broj 06-03-271-05/9/19 od 26.04.2019. godine i Rješenjem broj UP1-06-13-1-50-04/20 od 23.07.2020. godine, imaoća dozvole GP TOMING d.o.o. Grude mijenja se i dopunjuje, te glasi kao u prilogu koji je sastavni dio ovog rješenja.
2. Utvrđuje se GP TOMING d.o.o. Grude, status kvalifikovanog proizvođača u objektima solarne fotonaponske elektrane „Ljubuški 1“, solarne fotonaponske elektrane „Ljubuški 2“, solarne fotonaponske elektrane „Ljubuški 3“, solarne fotonaponske elektrane „Ljubuški 4“, u periodu važenja dozvole iz tačke 3. ovog rješenja.
3. Dozvola za rad za proizvodnju električne energije iz tačke 1. ovog rješenja važi do 02.12.2027. godine, sa uslovima dozvole koji čine njen sastavni dio.
4. Sastavni dio ovog rješenja čini dozvola iz tačaka 1. i 3. ovog rješenja.
5. Imalac dozvole je obavezan platiti regulatornu naknadu za 2021. godinu u iznosu od 8.195,09 KM.
6. Imalac dozvole je obavezan neuplaćeni prvi dio regulatorne naknade iz tačke 5. ovog rješenja u iznosu od 11,03 KM platiti u roku od 30 dana od dana prijema ovog rješenja, a preostali dio regulatorne naknade u iznosu od 4.599,62 KM imalac dozvole je obavezan platiti do 31.08.2021. godine.
7. Imalac dozvole je obavezan plaćati regulatornu naknadu za naredne godine važenja dozvole na način i u iznosu koji utvrdi FERK posebnom odlukom.

8. Ovo rješenje je konačno, te se objavljuje na oglasnoj tabli i internet stranici FERK-a, a dispozitiv ovog rješenja u „Službenim novinama Federacije BiH“.

## Obrazloženje

FERK je 13.04.2021. godine pod brojem UP1-06-13-1-83-1/21 zaprimio od podnosioca GP TOMING d.o.o. Grude Zahtjev za izmjenu i dopunu dozvole za rad, u postupku izmjene i dopune Dozvole za rad za proizvodnju električne energije broj 06-03-712/51/17, zbog izgradnje novog proizvodnog objekta solarne fotonaponske elektrane „Ljubuški 1“, solarne fotonaponske elektrane „Ljubuški 2“, solarne fotonaponske elektrane „Ljubuški 3“ i solarne fotonaponske elektrane „Ljubuški 4“.

Prilikom pregleda potpunosti podnesenog zahtjeva, u skladu sa članom 9. Pravilnika o javnim raspravama i rješavanju zahtjeva, sporova i žalbi, FERK je utvrdio kako podneseni zahtjev nije potpun u smislu člana 12. Pravilnika za izdavanje dozvola. Zbog navedenog, FERK je postupajući u skladu sa članom 10. Pravilnika o javnim raspravama i rješavanju zahtjeva, sporova i žalbi uputio podnosiocu zahtjeva Obavještenje o nedostacima podnesenog Zahtjeva za izmjenu i dopunu dozvole za rad broj UP1-06-13-1-83-2/21 od 10.05.2021. godine, te mu odredio rok radi otklanjanja u obavještenju naznačenih nedostataka i upozorio ga na posljedicu propuštanja. Postupajući po obavještenju, podnosilac zahtjeva je dostavio dopis zaprimljen u FERK 19.05.2021. godine pod brojem UP1-06-13-1-83-3/21, uz koji je dostavio traženu dokumentaciju i obrazloženja, a na osnovu kojih je FERK utvrdio da je podneseni zahtjev potpun i da su se stekli uslovi za objavu obavještenja za javnost o nacrtu dozvole.

Na osnovu provedenog postupka tokom kojeg je izvršena pažljiva analiza svih činjenica i podnesenih dokaza na osnovu kojih se moglo utvrditi stanje stvari, FERK je u skladu sa članom 16. Pravilnika za izdavanje dozvola, pripremio Nacrt dozvole za rad za proizvodnju električne energije po zahtjevu broj UP1-06-13-1-83-1/21 od 13.04.2021. godine, podnosioca GP TOMING d.o.o. Grude. Na osnovu člana 92. stav (2) Zakona o električnoj energiji u Federaciji Bosne i Hercegovine, FERK je Odlukom broj UP1-06-13-1-83-4/21 od 10.06.2021. godine usvojio Nacrt dozvole za rad za proizvodnju električne energije, te Obavještenje za javnost o opštoj raspravi o Nacrtu dozvole za rad za proizvodnju električne energije, kojom je ovaj nacrt upućen u proces javne rasprave. Ovom odlukom je imenovan voditelj postupka i zamjenik voditelja postupka, te je utvrđeno i da su zainteresovana lica imala mogućnost dostaviti svoje pisane komentare na Nacrt dozvole za rad za proizvodnju električne energije na adresu FERK-a ili na elektronsku adresu, u periodu od 14.06. do 22.06.2021. godine do 10:00 sati, kao i da su lica koja imaju direktan interes sučestvovati u postupku izdavanja dozvole, pod uslovom da im je interes različit od opšteg javnog interesa, imala mogućnost dostaviti zahtjev za sticanje statusa umješača na adresu FERK-a ili na elektronsku adresu, u periodu od 14.06. do 22.06.2021. godine do 10:00 sati.

Do ostavljenog roka za dostavu pisanih komentara i za podnošenje zahtjeva za sticanje statusa umješača, odnosno do 22.06.2021. godine do 10:00 sati, u FERK nisu zaprimljeni pisani komentari na Nacrt dozvole za rad za proizvodnju električne energije, niti je zaprimljen zahtjev za sticanje statusa umješača.

Nadalje, članom 4., članom 5. Pravilnika o metodologiji i načinu obračuna regulatornih naknada za imaoce dozvola – Prečišćeni tekst propisana je dinamika i način obračuna regulatorne naknade za imaoce dozvola za obavljanje elektroprivrednih djelatnosti. Članom 6. stav (1) istog pravilnika propisan je da postojećim imaocima dozvola koji obavljaju djelatnost proizvodnje električne energije, a koji povećaju/smanje ukupnu instalisanu snagu svojih proizvodnih objekata i

ako prelaze iz jedne kategorije u drugu, fiksni dio regulatorne naknade će se preračunavati u skladu sa tabelom iz člana 5. stav (2) ovog Pravilnika, od prvog dana perioda izmjene dozvole, a varijabilni dio regulatorne naknade utvrđivat će se primjenom procenta  $p$  (%) na ostvareni ukupni prihod iz prethodne poslovne godine i/ili na planirani ukupni prihod za tekuću godinu, a u skladu sa članom 5. stav (3) ovog Pravilnika. Članom 8. istog pravilnika propisan je način utvrđivanja regulatornih naknada za imaoce dozvola za obavljanje elektroprivrednih djelatnosti, odnosno način donošenja rješenja kojim se utvrđuje pojedinačni iznos godišnje regulatorne naknade za svakog imaoца dozvole. Na osnovu navedenog Rješenjem broj 08-11-537-1/21 od 24.03.2021. godine GP TOMING d.o.o. Grude kao postojećem imaoцу dozvole za rad za proizvodnju električne energije utvrđen je iznos regulatorne naknade za 2021. godinu u iznosu od 7.168,87 KM. Kako je imaoц dozvole povećao ukupnu instalisanu snagu svojih proizvodnih objekata, regulatorna naknada za 2021. godinu preračunata je u skladu sa članom 5., članom 6. stav (1) i članom 8. ovog Pravilnika, tako da ukupan iznos regulatorne naknade koju je imalac dozvole obavezan platiti za 2021. godinu sada iznosi 8.195,09 KM. Budući da je imalac dozvole ukupno po osnovu regulatorne naknade za 2021. godinu uplatio 3.584,44 KM (dana 08.01.2021. godine iznos od 2.961,69 KM i dana 07.04.2021. godine iznos od 622,75 KM), neplaćeni prvi dio regulatorne naknade sada iznosi 11,03 KM, a drugi dio regulatorne naknade iznosi 4.599,62 KM. O obavezi plaćanja regulatorne naknade imaoцу dozvole će se ispostaviti obavještenje.

Na osnovu obrade Zahtjeva za izmjenu i dopunu dozvole za rad podnosioca GP TOMING d.o.o. Grude i dokumentacije priložene uz zahtjev, izvršena je izmjena i dopuna Dozvole za rad za proizvodnju električne energije broj 06-03-712/51/17, zbog izgradnje novog proizvodnog objekta solarne fotonaponske elektrane „Ljubuški 1“, solarne fotonaponske elektrane „Ljubuški 2“, solarne fotonaponske elektrane „Ljubuški 3“ i solarne fotonaponske elektrane „Ljubuški 4“. Uvažavajući sve naprijed navedene razloge, predmetna dozvola za rad je izmijenjena i dopunjena u skladu sa zahtjevom podnosioca, sa tim da je periodu važenja dozvole ostao nepromijenjen. Postavljeni uslovi, u skladu sa članom 26. i članom 27. Pravilnika za izdavanje dozvola i članom 13. stav (1) Pravilnika o sticanju statusa kvalifikovanog proizvođača električne energije, stvaraju obavezu GP TOMING d.o.o. Grude da u rokovima propisanim u uslovima dozvole za rad za obavljanje licencirane djelatnosti proizvodnje električne energije iste ispuni, u cilju zadovoljenja propisanih kriterija.

Na osnovu navedenog, odlučeno je kao u dispozitivu ovog rješenja.

#### **POUKA O PRAVNOM LIJEKU:**

Protiv ovog rješenja podnosilac zahtjeva može tužbom pokrenuti upravni spor kod Kantonalnog/Županijskog suda u Mostaru u roku od 30 dana od dana primanja rješenja. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

**PREDSJEDNIK FERK-a**  
**Jasmin Bešo**